

Bosna i Hercegovina
Federacija Bosne i Hercegovine
Federalno ministarstvo energije,
rudarstva i industrije

Zenica, 14.05.2025. godine

Z A P I S N I K

sa javne rasprave, a u vezi Plana upravljanja okolišem (ESMP), Procedurama upravljanja radom (LMP) i Plana uključivanja zainteresiranih strana (SEP) za pripremne radove (izvlačenje opreme – mehanizovanog širokog čela) na zatvaranju jame Raspotočje RMU "Zenica" d.o.o. –Zenica u sklopu Projekta Pravedne tranzicije u odabranim regijama bogatim ugljem u Bosni i Hercegovini

Federalno ministarstvo energije, rudarstva i industrije zajedno sa Ministarstvom finansija i trezora BiH, Federalnim ministarstvom finansija, JP Elektroprivreda BiH d.d. Sarajevo i RMU Banovići d.d. Banovići je završilo pregovore sa Svjetskom bankom za finansiranje Projekta Pravedne tranzicije u odabranim regijama bogatim ugljem u Bosni i Hercegovini koji će se realizirati na području Federacije BiH, sa planiranim periodom implementacije od 2025. godine do 2030. godine.

Vrijednost predmetnog Projekta je 83.070.000,00 miliona dolara. Sredstva bi se obezbjedila putem kredita Svjetske Banke, a ista bi bila utrošena na zatvaranje Rudnika Zenica (tehničko zatvaranje, zbrinjavanje radne snage, dokvalifikacija i prekvalifikacija, itd.), rekultivaciju i prenamjenu rudničkog zemljišta za novo korištenje, uvođenje čiste energije (izgradnja FNE na prostoru rudnika Banovići i Kreka), kao i pružanje podrške rudarima i zajednicama za ekonomsku tranziciju.

Takođe, aktivnosti koje će se finansirati u sklopu ovog projekta će biti predmetom praćenja socijalnih i okolinskih pitanja sa aspekta globalnog Okolinskog i socijalnog okvira Svjetske banke, te svih okolinskih i socijalnih standarda koje ovaj okvir obuhvata.

Okvirni dokumenti pripremljeni po pravilima Svjetske banke za potrebe ovog Projekta, a to su Plan upravljanja okolišem (ESMP), Procedure upravljanja radom (LMP) i Plan uključivanja zainteresiranih strana (SEP), a koji se odnose na pripremne radove - aktivnosti izvlačenja MHP sa pratećom opremom van rudnika i zatvaranje jame "Raspotočje" Rudnika mrkog uglja "Zenica" d.o.o. -Zenica, stavljene su na javni uvid svim zainteresiranim stranama. Dokumenti su objavljeni na službenoj stranici Federalnog ministarstva energije, rudarstva i industrije (www.fmeri.gov.ba) 28.04.2025. godine, a pozivi zainteresiranim stranama su poslani 07.05.2025. godine putem pošte.

Na javnu raspravu pozvani su:

- Federalno ministarstvo finansija
- Federalno ministarstvo prostornog uređenja
- Federalno ministarstvo rada i socijalne politike

- Federalno ministarstvo okoliša i turizma
- Federalno ministarstvo poljoprivrede, vodoprivrede i šumarstva
- Ministarstvo za poljoprivredu, šumarstvo i vodoprivredu ZDK
- Ministarstvo za privredu ZDK
- Ministarstvo za prostorno uređenje, promet i zaštitu okoline ZDK
- Ministarstvo za rad, socijalnu politiku i izbjeglice ZDK
- Grad Zenica
- JP Elektroprivreda BiH d.d. –Sarajevo
- "EKO FORUM"
- Fondacija ACT
- AARHUS Centar Sarajevo
- RMU "Zenica" d.o.o. –Zenica
- Samostalni sindikat radnika rudnika u Federaciji BiH

Voditelj javne rasprave je Amir Halilčević, predstavnik Federalnog ministarstva energije, rudarstva i industrije. Također, ispred Federalnog ministarstva energije, rudarstva i industrije javnoj raspravi je prisustvovao i gosp. Edin Suljkanović.

Javna rasprava je započela u 11.00 sati u prostorijama Centralne stanice za spasavanje RMU "Zenica" d.o.o. –Zenica, Sarajevska bb, 72000 Zenica.

Na javnoj raspravi su prisutni predstavnici:

- Federalnog ministarstva energije, rudarstva i industrije
- JP Elektroprivreda BiH d.d. –Sarajevo
- RMU "Zenica" d.o.o. –Zenica
- Samostalnog sindikata radnika rudnika u Federaciji BiH

Voditelj javne rasprave Amir Halilčević, otvorio je javnu raspravu, prisutne je upoznao o predmetu javne rasprave te dokumentima koji su objavljeni na službenoj stranici Federalnog ministarstva energije, rudarstva i industrije. Takođe prisutne je upoznao da do održavanja javne rasprave nije stigao niti jedan komentar na adresu Ministarstva.

Nakon navedenog voditelj javne rasprave je upoznao prisutne s pravom da mogu dati primjedbe i komentare na vođenje cjelokupnog postupka javne rasprave te ukoliko ih ne daju smatrat će da ih nisi ni imali pa je dao riječ učesnicima rasprave kako slijedi:

[REDACTED]

[REDACTED] v.d. direktor RMU "Zenica" d.o.o. -Zenica je pozdravio prisutne i izrazio žaljenje što na današnjoj javnoj raspravi nije prisutan veći broj pozvanih. Takođe je napomenuo da se rudnik susreće sa velikim brojem problema i izazova kada je u pitanju funkcionisanje samog rudnika. Posebno je istakao problem obezbjeđenja finansija

za isplatu plaća ali i nabavke neophodnog repromaterijala potrebnog za radove na izvlačenju opreme mehanizovanog širokog čela.

je takođe izrazio žaljenje što na današnjoj javnoj raspravi nisu prisutni svi pozvani, a zatim je prezentovao izrađene dokumente koji su predmet javne rasprave. Na početku svog izlaganja u kratkim crtama je dao pregled o RMU "Zenica" d.o.o. – Zenica kao i granicama koje obuhvata eksploataciono polje, a zatim je u kraćim crtama prezentovao svaki od dokumenta koji su predmet javne rasprave.

predstavnik JP Elektroprivreda BiH d.d. Sarajevo

Zahvalila se na iscrpnom izlaganju od strane predstavnika RMU "Zenica" d.o.o. – Zenica i takođe je napomenula da se u dokumentima jasno razgraniči da se ovaj projekat odnosi na jamu Raspotočje.

Predstavnik samostalnog sindikata radnika rudnika u Federaciji BiH je postavio dva pitanja:

- 1. Ovdje se govori samo o zatvaranju jame Raspotočje, šta će se desiti sa ostalim radnicima koj rade u jami "Stara jama",**
- 2. Kada bi moglo doći do realizacije projekta.**

Predstavnik sindikata RMU "Zenica" d.o.o. – Zenica je postavio slijedeće pitanje

- 1. Imajući u vidu probleme oko obezbjeđenja plaća radnicima da li će se moći i kada avansno povlačiti sredstva.**

Imajući u vidu da se ova pitanja odnose na sam projekat ali ne i dokumente koji su predmet javne rasprave, ista su evidentirana o ovom zapisniku sa javne rasprave a odgovori predstavnicima sindikata su dati na samoj javnoj raspravi od strane voditelja javne rasprave.

Javna rasprava je završena 14.05.2024. godine u 12:30 sati.

Zapisnik je glasno pročitao svim učesnicima rasprave, na njega nisu imali nikakvih primjedbi niti primjedbi na vođenje postupka.

Zapisnik je sastavljen u 2 (dva) istovjetna primjerka od koji je jedan uložen u spis predmeta, a jedan za potrebe ovog organa.

Voditelj javne rasprave



Zapisničar

